

渭南縣志卷第四

明中順大夫浙江紹興府知府邑南大吉撰朝議大夫山東政司左

議姪軒續編奉議大夫右春坊右庶子兼翰林院侍讀姪孫師仲增訂

文林郎知渭南縣事西蜀徐吉參閱

祠祀志

師仲曰洪範八政三曰祀祀者致祈昭報通幽明

肅治體康下民也稽祀典所載有五靡匪爲保障

風化計否弗與焉叔季禮制頽廢祭法混淆明

興發夷掃除一歸于正而渭邑境內之祀秩秩焉

罔有實且亂者是故崇正道闢異端昭功德息淫

修興禮定制所關亦隆且鉅矣司土者又安可忽焉

壇壝古者辨四時之氣以辨尊卑之節也

社稷壇按人非土不立非穀不食故立社示尊封稷

而祭之周制有國社置社國社郡縣社置社里社也

社配以句龍稷配以周棄社壇在東稷壇在西俱北

面築壇繚以周垣其禮儀度數詳會典中今壇在帶

渭門外通渭街北

風雲雷雨山川壇按禮天子祭天下名山大川諸侯

祭名山大川之在地者周制大宗伯以禋燎祀風師

雨師風雲之有祭自周始歷代祀各不同唐天寶五

載令諸郡祀雨師宜以雷師同壇自後郡國皆有壇

然山川之神歷代惟四望郡縣未有壇祭 明興洪

武初令各郡縣以春秋仲月上旬擇日同壇祭風雲

雷雨山川城隍之神今壇在引華門外神川原北麓

壇與社稷厲三壇俱洪武初吳丞雲創建後周尹寧

增修歲久荒剝殘毀今莽莽一土墟矣

邑厲壇按祭法厲者鬼無所主其氣未散好為人禍

故有司祀之傳曰鬼有所歸乃不為厲 國初令郡

縣每歲三時祭無祀鬼神今壇在帶渭門外通渭街



北

里社壇按洪武禮制每里一百戶立壇一所祀土穀之神每歲一戶輪爲會首遇春秋二社率辦祭物約聚祭祀祭畢會飲先令一人讀劄強扶弱守法周貧之誓誓畢長幼以次就坐盡歡而退務在敬神睦里以厚風俗蓋要典也乃後漸廢今且佃種輸稅矣鄉厲壇按洪武禮制每里立壇一所祭無祀鬼神每歲三祭時日與邑厲壇同會首會飲讀誓諸儀俱同里社今亦盡廢矣

瑞泉子曰昔予總角時日從鄉里諸小兒遊明星皎月之夕弗夜外弗歸寢也外戶不閉而牛羊亦優游以休矣當是時春祈秋報之禮里皆以時舉焉品物儀文甚侈縟也人未嘗言貧既而從先大夫宦遊宛鄧宛鄧之俗猶夫吾鄉也後五年歸風景氣象依稀如故既乃登仕版遊都京者又五年再歸鄉里則見間巷蕭條已非昔日矣比復入仕途南北奔走者又幾十年歸則見其景象寥落昔日祈報之禮蕩然盡廢里社之壇悉就荒穢而莫之或跡矣是故三尺之童皆就農務而貧不能免日未及入戶已堅閉而猶致夫寇也回首昔時每撫心太息焉乃今又十五年

而攷里社鄉厲之壇奚翅荒廢耕牧侵浚而莫可攷者蓋已十有九矣是又不可一長太息哉管子曰倉廩實知禮節衣食足知榮辱庶而教之吾于愷悌君子有亟望焉

祠廟

文廟在儒學東門垣際屬唐尉遲敬德監造宋元相繼修葺焉 明興因之洪武初吳水雲增修重新其後風雨毀夷成化中周尹寧撤而改造之輪奐壯麗當是時學使者臨川伍公福重周之功爲記勒碑其後楊尹同王尹鑑梁尹沂辛尹萬鈞相繼補綴頽壞

藻綉彫落其規制則猶周尹之舊也嘉靖乙卯地大震盡圮越二年王尹宮用葺材鳩工厥惟經始明年陞去趙尹雲程繼之令袁薄弘彛重其事拓基崇宇恢燿聳觀倍于往昔矣中爲大成殿殿東西偏爲祭器庫兩翼而南爲兩廡前爲戟門又前爲櫺星門門以內左右名宦祠右鄉賢祠戟門外折而東南向者爲成聖祠修撰蘭溪唐公汝楫記其事迄萬曆乙卯越六十年漸就傾頽楊尹所修請于按臺畢公懋康重修之時徵權旁午公私告匱自畢公泊諸士紳助工有差尹更不難盡捐俸餘以畢斯後既堅且美矣規



制仍舊唯勅洋池以增所未備庶子南師仲記其事

唐記曰渭南廟學舊矣嘉靖乙卯冬全陝地震而渭

君以才惟宰其地至則恤恤然遽定安集之民若更

生乃載瞻學宮而嘆喟焉曰人有寧居聖靈何安會

憲副邑人姜泉南公亟以是請遂相與決謀經始程

工庀財工方興而李君尋以徵牒行矣明年成安玉

君代之南公則又相與原本李君之意圖就齋聯舍

庖庫廡廩悉以序爲之于是鐫刻冊牒之稱視昔益

完美而絃誦詩書干戈羽籥之教亦秩乎興焉王君

曰是不可無紀屬李君狀其事以授史氏楫云茲後

也厥惟南公力哉當是時公私告賈能舉至拙所財

公首輸金事猶爲可異張公同里也因返讓肆行活以

金三百五十兩爲牒未幾張及子相繼歿金無歸公

曰計學宮需數尙未贏也吾其以是金足之于是有

司及師生咸誦義不置謂公悉心風化之舉固爾其

操餘敏敏不緇亦可槩睹棺窆有深感焉夫世之培

貲狗貨冒猥忘廉迹其心異于入市攫金者幾希顧

肯不荷得于人所不及知若是則不有怡身敵薄德齒

鄙陋塵塵拔一毛弗爲及孰能捐不費之費以事迂

緩之圖琳宮梵宇視膏肓如泥沙以徵冥福知以興

學造士爲務者又幾何人噫嗜慾之陷溺人心也又

矣多土尙致審于義利之辨乎夫義爲天理利爲人

欲勢若水炭辨之易矣然其以無所爲而爲爲義有

所爲而爲爲利則利者又豈特名位貨殖矣哉意茲

其爲辨也間不容髮故一介不取祿以天下弗顧非

以納交要譽也凡以自盡其性自立其命焉耳聖遠

教湮入慾湍決然而立人之道則有亘古未泯者其

根于天理所存發于良心之不容已皆足蘊而敦傳

挽頹俗匡世教矣多士辨之析幾于毫釐詎勉于克

復凡吾所求皆公其天地萬物之具而絕去適己自

便之圖進而居安治隆澤流黎庶退而淑其身入師

其德生昭義聞沒不得而朽焉庶其踐聖訓翼皇極

以無負于作人之功南公由禮曹歷郡牧臬憲所至

介潔明作功望茂宣是烏足以增美南公持其無所

爲而爲之心則得義體之真賢聖之基業也楫因以

表之蓋望來者以南公不徒以南公告來者也茲石

也其樹聲章化南記曰涇邑廟學勅自往代規制卑  
 之坊乎是為記國至成化辛卯拓新之迄嘉  
 靖乙卯地城圯甚太原李侯成安王侯相繼襄厥事  
 視昔益宏且麗矣其詳載臨川伍公蘭谿唐公先後  
 記中六十年來傾陔滋甚萬曆乙卯商城陽侯又復  
 緝治而落成焉先是侯下車低謁頤仰周回輒大息  
 曰夫崇聖作人有司之上務也坐令頹敝至是風化  
 何賴焉幸諸生請于按臺畢公謀厥後報可畢公遂  
 以贖賑五十金為人士倡相率起義者以和坤董其  
 事詢謀度制唯侯是資諷日鳩工除其朽蠹易以堅  
 美欽立者礱礱令端瞻伏者葺社令直甃甃若漏卮  
 垣墉者披鑄者咸更以煥瓦施以丹堊泮泮池于櫺  
 星門內以增所未備池下甃以磚上為石梁者十三  
 故起新足稱永賴矣斯後也因者什七益者十三論  
 歲而工告竣余因是知侯之斯舉也稱更難焉志言  
 成化中肇工獲密金若干錠漂木若干株嘉靖中復  
 有先王父首金事緣是易于底績今侯之蒞茲也徵  
 維旁午公私告置且鈔密金首餘事又非若梵宇琳  
 宮之易以媚眾而樂輸也顧不難彈力以畢斯後侯

知治本矣於是學傳謝子宗千偕鄭子過南生問記  
 焉余惟聖賢教人不過仕學兩端降而叔季聖遠言  
 湮司土者跡一官如傳令善教化為可髡上之人復  
 以趨承為駭最致令唐虞之治遞莫可覩侯夙夜惕  
 厥百廢俱舉暇日詳諸生講道論德孜孜以崇儒敦  
 化為先務真不愧所學者矣先王父提莫夜寄金數  
 百無所與遷出而巨典告成其跡畏四知以邇金者  
 不越過此乃其宗矣由涇而灃洛關閩進而洙泗之  
 上求則此乃其宗矣由涇而灃洛關閩進而洙泗之  
 它千載直旦莫耳苟舍近以圖遠趨難而忽易是登  
 高絕梯也鈔克躋矣余因是又感于符合之奇焉夫  
 自成化辛卯迄今百四十餘載朝學凡三新矣咸在  
 于卯晉樂志言卯茂也謂陽氣肇茂也今諸生若春  
 生之合抱于霄咸自季茂始哉日本立而道生且生亦  
 有基若礎若柱又在治心問耳諸生惟唯日聞先生  
 之論敢不請事夫新學則寔政舉新土則實教行土  
 務實則真才輩出此又不在科第玄耀間也諸生其  
 務所以副侯哉侯名所修土  
 修白河南商城人庚戌進士

瑞泉子曰今之爲政者治民事神而已民主仁神主敬祭也者敬之大者也是故齊明盛服絜牲備物然後可以交神明致歆格獲福佑也然匪敬何格匪饗何福因循日久視爲泛常牲既瘠小至籩豆簠簋之實亦但存其名且不敬孰大焉迺既不能令又不爲正慢神竇祀甚矣夫國之大事戎與祀茲祀典也豈細故哉故予不嫌刺刺亦欲觀者知祀事當嚴不可苟且爲也已矣

師仲曰余嘗見文廟祭享州縣率用世樂心竊疑之按洪武中詔頒大成樂于天下府學令州縣照式置造載在會典犁然可睹不知廢自何時竟莫有稽典禮復 祖制者今史義伯侍御攷度製器白之徐侯侯毅然身任其事行見國初彬彬禮樂之雅在今日矣又余往承乏成均悼祭品之瘠薄也詢之知關自奉常率爲下後乾沒相沿既久莫爲釐正遂移文奉常令其詳驗視嚴解送夙蠹既滌俎豆一新時寮屬相顧以爲數十年僅見矣余因歎公家事臣子唯必誠必敬殫心任之未有不底績者即祭享不可睹邪當事者加之意哉

城隍廟在文廟東垣墉相屬按廟制于洪武初天順



中程尹章修飾之嘉靖乙卯地圾盡圯是後李尹希  
雒梁尹許崔尹邦亮相次建修正殿獻殿各三間後  
殿寢殿亦各三間正殿達于後殿中捲亭南北五間  
前殿左右曹司各九間曹司北東道院三門西十三  
王閣三間寢殿左右官廳各三間正殿前中石坊三  
間左鼓樓右鍾樓樓前捲棚五間前大門又前門坊  
亦各三間庶子南師仲記其事出襟酒門折而之南  
有古寨南城隍廟

八蜡廟按記郊特牲曰伊耆氏始爲蜡蜡也者索也  
歲十二月合聚萬物而索饗之也堯稱伊耆氏其神

凡八故曰八蜡聖人欲報其神之有功者因合聚而  
索饗之然八蜡以記豐凶順成之方蜡祭通不順成  
之方蜡祭則不通也渭舊無廟成化中周尹寧創修  
于恭寧宮西僉事裴公斐記年久日漸傾圯嘉靖初  
遂湮爲蕪穢之區梁尹沂修復之迄今又漸成荒廢  
云

禹王廟在集賢里望林村禹平水土功大茲地近渭  
故里人建廟歲時饗報之所謂觀河雒而思禹功者  
耶北至道里亦有廟

義勇武安王廟在縣治東祀漢壽亭侯者王事昭烈

剛大之氣千載凜如天下後世思慕敬仰郡邑皆立廟以祀在縣者三一在東關五指山下一在帶渭門外有薛敬之重修碑又有三結義廟在義城里文昌祠一曰梓潼廟在縣城內西南原上土人修以祠梓潼帝君及玄帝者事詳樂至宮尹顯撰碑及薛敬之碑跋中

文昌閣在縣東關五指山下萬曆中倡自王尹九叙李尹枝秀繼之俱捐俸助工有差至楊尹所修益殫力畢役始落成焉詳載庶子南師仲記中后土廟即泰寧宮在縣城東神川原北岸宋祥符中

建其詳載故牒碑中當是時真宗駕幸汾陰泰寧宮祀后土以祈嗣因幸華山歷雲臺觀觀東亦有汾陰后土廟遂賜號曰泰寧宮後住持武元亨請於朝改建渭城東南原即今宮也金元泊明修葺相繼俱

有碑記其事其題詠御史郭文云古栢蒼蒼渭水寒層宮壓盡幾重山皇天不有坤寧載神宮晴抱四山焉得華夷萬世安高秋曉登臨爽文學南靜夫山云氣遙獨倚石欄頰太守南瑞泉公同友人晚登云望五雲多處是丹青門繞豐原古臺臨渭水斜煙樓榭翠風殿舞簷花玉座生晴霧雕牆映晚霞只愁佳客散明月自窓紗泰寧宮殿倚雲開參伯南易谷公春日邀友同登云古栢龍鱗拂上台天擁豐原標勝槩日暉清渭疎蓬萊平臨霄漢青鸞渺遙望關門紫氣來坐久時聞清籟響且尋物外醉



春臺南孝廉學仲東園登眺旋憇泰寧宮云荒園長日興悠哉步

嘯酣歌臥綠苔魚躍清流知浪靜鳥飛層漢見雲開千秋淑氣環樓閣萬里晴光映草萊渭水非熊人獨

遠凭闌猶縣北秦村有廟亦曰泰寧宮建自前代密

時楊政撰碑

瑞泉觀在縣城酒河川風門西原隅之均不知創于

何代上有秦女峰故又曰六姑祠唐岑參詩云秦女

峰頭雪未盡即此又上有朝元洞泉縣流百丈取水

禱雨輒應故以瑞名六姑之說殊荒唐謬妄云南進

士憲仲詩云尋芳登古殿張宴俯青眉細雨蕪天暝浮雲湧地垂渚蓮紅寂寞堤柳碧參差

清眺疑蓬島金尊未足辭

董夫子廟在縣東北董村以里有董仲舒塚故名其

村曰董村立廟祀之歲久頽敝今諸生王之佐等重

修請于徐尹吉為之碑其文曰昔武帝以好大喜功

時駘駘弓馬進者鱗集激至識者謂多欲之朝請纓

上客理學緘口矣獨仲舒董子倦倦發明天人相與

之理武帝厭聽之卒不能用而以江都行議者許其

正而以災異之溺病之疴衡今古何容易言哉焚坑

烈矣泗上翁又以馬上得之盈庭蕭曹都從刀筆起

念時功利陋習已入肌髓董子獨原天人感應不爽

錙銖推其明道正誼四字凜凜得七篇遺意他如祝

日食對雨雹之類又皆以人事配天變足為儆戒又

何得病其溺耶大抵天下事當指其可必者不可必

者存而不論如災異之說緊論其理可耳備極其象

不幾失之溺耶即尚論人物亦在大體天閑絕種於

騷裏凡非跋扈人皆逸足稱之矣崑吳秘秀於懸藜

凡非燕石人咸渠寶蓋之矣昔人以董賈並論不知

賈僅以氣魄睨視一世董之學術洞天人貫百家所



得又孰多耶方今一聖明御宇人咸思奮第明道正  
誼者幾何人國本侵祥之論蚤定洞計者幾何人天  
大感應之際配擬不爽者又幾何人撫今追昔爽然  
若失矣余承乏渭上王生之佐請余記其事余躍然  
曰先生理學淵然曩讀史至先生願爲執鞭茲何幸  
得操觚爲先生後遂志其槩以俟吊古者採焉萬曆  
庚申菊  
月望書

周處廟在倒獸峪口世傳處殺白額猛獸于此又傳  
赤水亦處斬蛟水盡赤故名後人建廟峪口又尹村  
曰崇靈觀胡村曰周處祠獨崇靈觀有元都轉運使  
王文博撰碑言晉元康中氏人齊萬年反處征之力  
戰而歿及攷晉史處義興人即今宜興有長橋卽處  
斬蛟處此地何爲有之但本傳言處殺獸斬蛟後入

吳訪二陸改行修德則處未顯時本吳人今云入吳  
者意三國分崩處喪父少孤遭兵避亂流離居此故  
有殺獸斬蛟事其後又與氏戎戰歿秦地渭人思慕  
不忘祀而勿替故序處流寓傳中  
馬周祠在縣東陽村周傳州在平人事唐太宗官至  
銀青光祿大夫吏部尚書追贈尚書右僕射高唐縣  
公配享高宗廟庭當時周勸太宗廟精節儉澤被黎  
庶人思之沒世不忘故其祠至今猶存

晉公廟舊在西關南巷建祠唐晉國公裴度者夫公  
河東聞喜人渭人祀之何蓋公苗裔散在四方獨渭

為多唐都長安公輔唐室身繫安危者二十年渭為  
 畿內近地公德澤流行首被畿內故人思慕至今嘉  
 靖乙卯地震廟圯土人卑創西關門外官路北萬曆  
 中張尹棟增修與寇萊公並祀顏其額曰二公祠  
 韓文公廟在縣小里村土人修以祀唐禮部侍郎贈  
 禮部尚書韓文公愈者村屬東南里事出太宗官至  
 白樂天祠在東北紫蘭村乃樂天故里祠舊有碑今  
 並毀廢獨墓存其外又與九文輝墓並置人思慕  
 寇萊公祠在縣下邽廢城中祠宋相萊國公寇準今  
 稱曰廟土人春秋享祀廟舊有旌忠碑宋叅知政事  
 孫林撰今頽毀莫可誦識 明少師楊公一清謁祠  
 詩云半畝荒基數尺墻宋家賢相表新坊樓臺不用  
 生前起祠宇能延沒後香未拔一丁真負國縱  
 為孤注已尊王後人不建親征策和議終成禍靖康又棠村里亦有萊公祠此  
 地蓋萊公故里

西嶽行祠在縣武定里大蘭店土人修以祀西嶽華  
 山之神者工部郎中劉公汝靖撰碑又縣南郭村亦  
 有西嶽廟

龍王廟在縣上漲鎮乃鎮人建以祀渭河之神其在  
 龍背寨盈田坊皆有祀獨在羊河者祀羊河之神  
 蔡孝子祠按蔡孝子順舊無祠直指傳公振商汝南



人與順同里過渭展墓遂建祠安之因紀歲月于壁

予閱君仲墓以詩勒石非與渭爭先賢也孝行即寓而洽期有興耳及過渭知墓在城東墻碑列西郭風日中甚無謂且祠祀不備亦屬缺典因檄徐令以醵作祠三楹及門廂以安奉其主並修春秋祀事工肇于八月朔竣于九月望因紀歲月于壁焉嗟乎孝該天經地義古今賢愚同貫素王作經斗精降瑞人歸範圍君仲固能盡君仲非獨擅也然遺跡儼若過者仰止而卒少繼焉豈君仲載之而往乎瞻祠宇而興思當勿令汝南流寓孝子無比鄰可耳萬曆己未九月既望書

師仲曰伯王父于祠廟志其祀典所載有功德于  
人者其他境內凡曰廟曰殿何啻百數非淫即僭  
皆削而不錄先大夫謂嘉靖中令郡邑祀八蜡今  
邑里猶然缺焉何如即祠廟中所云淫且僭者改  
八蜡祀之且鄉里原設社厲二壇又安可竟廢也  
夫斥淫維俗正祀庇民余小子敬志之



渭南縣志卷第四

渭南縣志卷第五

明中順大夫浙江紹興府知府邑南大吉撰朝議大夫山東布政司左叅

議姪軒續編奉議大夫右春坊右庶子兼翰林院侍讀姪孫師仲增訂

文林郎知渭南縣事西蜀徐洁參閱

食貨志

戶口

按舊志洪武間戶柒千陸拾有肆口伍萬捌千叁百

叁拾有貳 弘治間漸增至戶壹萬貳千壹百伍拾

有肆口壹拾伍萬叁千柒百叁拾有捌 嘉靖間漸

減為戶捌千肆百捌拾有肆口柒萬伍千陸百陸拾

有伍 隆慶至萬曆十八年戶漸併為陸千壹百伍拾口增為玖萬肆千捌百伍拾有捌至今四十八年又戶併為陸千壹百貳拾口增為壹拾貳萬玖千伍百陸拾有二 寄庄戶叁百叁拾有五不計口 渭上子曰戶口之增損為治行之最嚴自古稱要圖矣余攷渭南戶口自 國初來或增或損間相懸異不能無餘慨焉夫承平日久其生息宜日蕃矣顧間有不然者豈獨為歲侵所戕邪抑節愛休養者有未至邪矧戶口為公家所天其關良至重矣顧今覈治行者不以為急余不識其何說也

田賦

按舊志總計夏秋田凡玖千肆百玖拾捌頃玖拾貳畝柒分伍釐桑凡捌千叁百壹拾株總計夏秋稅糧凡陸萬貳千壹百玖石伍斗柒升玖合柒勺柒抄柒撮綿花折布凡玖千叁百柒拾壹疋貳丈叁尺肆寸桑折絹凡貳百叁拾壹疋壹尺陸寸柒分 嘉靖拾壹年黃冊開造者總計官民田凡玖千肆百玖拾捌頃陸拾叁畝肆分壹釐柒毫桑凡捌千叁百壹拾捌株總計夏秋稅糧凡陸萬壹千柒百伍拾伍石叁斗肆升肆合叁勺伍抄綿花折布凡玖千叁百柒拾陸



有伍 隆慶至萬曆十八年戶漸併爲陸千壹百伍拾口增爲玖萬肆千捌百伍拾有捌至今四十八年又戶併爲陸千壹百貳拾口增爲壹拾貳萬玖千伍百陸拾有二 寄庄戶叁百叁拾有五不計口 渭上子曰戶口之增損爲治行之最嚴自古稱要圖矣余攷渭南戶口自 國初來或增或損間相懸異不能無餘慨焉夫承平日久其生息宜日蕃矣顧間有不然者豈獨爲歲侵所戕邪抑節愛休養者有未至邪矧戶口爲公家所天其關良至重矣顧今覈治行者不以爲急余不識其何說也

### 田賦

按舊志總計夏秋田凡玖千肆百玖拾捌頃玖拾貳畝柒分伍釐叁分捌厘千叁百壹拾柒株總計夏秋稅糧凡陸萬貳千壹百玖石伍斗柒升玖合柒勺柒抄柒撮綿花折布凡玖千叁百柒拾壹疋貳丈叁尺肆寸叁折絹凡貳百叁拾壹疋壹尺陸寸柒分 嘉靖拾壹年黃冊開造者總計官民田凡玖千肆百玖拾捌頃陸拾叁畝肆分壹釐柒毫叁分捌厘千叁百壹拾捌株總計夏秋稅糧凡陸萬壹千柒百伍拾伍石叁斗肆升肆合叁勺伍抄綿花折布凡玖千叁百柒拾陸



疋肆尺肆寸肆分絲綿凡貳百伍拾玖斤壹拾伍兩

折絹凡貳百叁拾壹疋壹尺陸寸捌分馬草凡叁萬

陸千叁百貳拾捌束壹拾貳斤叁兩肆錢 隆慶叁

年梁尹許奉文均夫總計夏秋田壹萬貳千陸百肆

拾貳頃叁拾玖畝寄庄在上地伍拾捌頃柒拾

伍合上地壹萬柒百壹拾柒頃玖拾捌畝每畝夏秋

糧伍升壹合中地壹千柒拾肆頃壹拾玖畝每畝夏

秋糧叁升玖合陸抄柒撮伍圭下地柒百伍拾柒頃

貳拾貳畝每畝夏秋糧叁升下下地叁拾貳頃貳拾

叁畝每畝夏秋糧貳升 總計夏秋糧陸萬壹千陸百叁拾柒石

捌斗柒升貳合叁勺肆抄寄庄在內 萬曆玖年柳

尹明奉文清查首地伍等共捌拾捌頃玖拾伍畝肆

分叁釐貳毫柒絲貳忽拾貳年張尹棟奉文清查唯

據里老已經丈明結狀回報乃後首地伍等共伍頃

壹拾捌畝貳分玖釐捌絲今合前三次共夏秋田壹

萬貳千柒百叁拾陸頃伍拾貳畝柒分貳釐叁毫伍

絲貳忽 其地視梁所丈雖稍多而糧總數則同蓋上

地每畝減糧叁勺柒撮貳粟捌粒上地每

畝減糧貳勺捌撮捌圭壹粟中地每畝減糧壹勺伍

抄玖撮柒圭捌粟下地每畝減糧壹勺貳抄壹撮伍  
圭貳粟柒粒下下地每畝減糧柒抄壹撮玖圭伍粟捌粒 每年除本色叁百壹拾  
陸石外折色陸萬壹千叁百貳拾壹石捌斗柒升貳  
合叁勺肆抄并糸絹貳百叁拾壹疋壹尺陸寸柒分  
查布玖千叁百柒拾陸疋叁尺柒寸貳分草叁萬陸

千叁百貳拾捌束壹拾貳斤叁兩肆錢柒分共折銀伍萬陸百貳拾柒兩捌錢叁分壹釐柒毫玖絲存留柒千柒百伍拾陸石伍斗捌升叁合柒勺起運伍萬叁千捌百捌拾壹石貳斗捌升捌合陸勺肆抄拾貳年新增祿糧銀貳百陸拾壹兩伍錢貳釐肆毫壹忽肆微貳纖 萬曆十七八年間收宗室惟溫懷時民王朝用等自首糧捌拾柒石肆斗捌升陸合柒勺伍抄康世均糧貳石柒斗玖升共該銀伍拾玖兩陸錢壹分叁釐柒毫陸絲壹忽并各里社厲壇地租糧銀叁拾柒兩貳錢捌釐肆毫通解布政司抵祿糧不足之數嗣是而後又收各里首糧共壹百壹拾肆石柒升玖勺陸抄共該銀壹百貳拾柒兩肆錢壹分陸釐壹毫玖絲用抵沿河減糧之數

渭上子曰均糧本欲輕賦立法未嘗不善顧十九號令不嚴賞罰尠信視篆者恃智憚勞唯付委官憑里書叢奸滋弊莫能究詰以故豪猾賄隱窮黎逋負安所控訴哉載稽吾邑尤爲可慨初梁令均丈時亦號明悉顧緣造冊違式郡中勒限駁造梁乃卒然糾集吏書百餘人就文廟中責以浹旬報完關防既踈期會又迫於是柄歸吏書賄蠹大開不唯等則混移而



欺隱買脫者奚翅十之二三及事竣稽數不符原額乃將城內暨關廂民居槩照耕田加以上賦猶然不符又將山坡及近河沙阜俱加上賦以足原額既而又欲增賦炫能以文前答乃括各里社厲壇地盡加上賦報爲額外之徵夫城中關廂非耕種田也既當門後又輸重賦山坡沙阜非膏腴地也頻遭水旱不得少蠲至若各里社厲之壇往嘗稅銀矣今復加賦何邪既加矣乃不派入正賦而使民均沾量減之惠又何邪嗣是柳張二令雖略查有首地亦嘗槩爲減賦僅百外之一耳不知隱脫者果盡首不邪夫隱脫者弊在豪奸猶可漸覈若夫等則之混移山坡沙阜之槩加城市里壇之重徵載在賦冊永爲定額矣貽累窮民莫知抵止卽欲剔蠹覃惠非更爲均丈除豁不可此解絃易調固保釐洎親民者責也事關民瘼情怵杞人輒敢僭爲之說焉

又曰渭南路當衝要又界南北山河間而夏秋稅糧至六萬餘石至重矣載攷弘正間原額內有輕則折布貳萬壹千五百餘石小民尙可畢力綏輸此非臆說也當時行邑劄付并存司冊籍寔有可徵後以漢中用兵暫假壹萬柒千石華陰被水暫假肆百石權



濟一時之急不圖事寧歸司邑中失於申討以致漫爾外散遂被咸陽興平涇陽蓋屋郿縣富平藍田商州雒南據爲已有久未歸復嘉靖丙辰李令緣地坵大變渭邑獨甚乃始啓事兩臺檄潘司覈輕則本邑昔有今無者乃在各處各處昔無今有者卽本邑之數也業已呈允歸復矣顧所復者僅原假之半幸允再查全歸乃未幾卽被咸陽等處隱情伺隙紛紛告爭不但全歸之允竟成畫餅并已經歸復者又悉爭去夫潘司前議不許再爭後議復許外散此其故余難言之也且以各州縣較之方輿大率相埒而糧額

顧獨邑中太重以故 國初經野成賦時量力審處有是布縷之征耳及今全歸卽衝疲逋負之民頗爲有濟况係額內之利非外人之有乎又况向時潘司坐派剗付近年查復移文洎兩臺屢次批詞俱有可憑胡乃橫被僻方姦民借口一時換納之說以致利散各處久假不歸害叢一方而永爲他人肩重焉斯豈寬恤衝疲之初意乎此渭民喁喁嘖嘖常懷憤嫉而亟欲控訴者余姑述之以備仁人君子鑒覽云

師仲曰臧賦本以蘇民而沃壤沙阜同賦何也瀕渭十餘里每爲水患而水手里一帶爲甚萬曆中

柳張兩令以首者減之槩縣不及沙阜後議以續首者及之似矣乃又不盡及賄戶貧民輸納之苦至不忍聞因覈減賦之數有河流沙壓二等故減亦有差第田之出沒無恒賦之增減又曷可定拘也善乎史義伯于本里立規出者增沒者減沒溢于出者遞減三年一覈毋令出者又占沒者獨苦庶法一而惠均也此不當行之瀕河十里間乎至還我輕則先大夫言之不啻詳矣乃竊據猶然若昔恐非力請終莫能得憫衝疲恤予遺端有望乎

愷悌君子

站銀

每糧壹石徵站銀貳錢陸分玖釐伍毫伍絲捌忽玖微

每年夏秋站共銀壹萬陸千貳百陸拾叁兩捌錢肆分伍釐伍毫叁絲玖忽內豐原驛馬貳拾陸匹驢四十頭每年解銀陸千玖拾兩肆錢通運所募夫貳百名每年解銀叁千伍百伍拾貳兩壹錢二項共銀玖千陸百肆拾貳兩伍錢又本驛原額支直銀自萬曆二十七年裁扣壹百捌兩外今止陸百壹拾玖兩陸錢叁分叁釐陸絲陸微二纖本驛實支陸百壹拾貳兩餘俱新豐驛支其各項餘銀通解布政司協濟它處外有鋪陳銀叁百伍拾捌兩壹錢陸分每五年一



徵...

豐原驛原設南馬玖名每年各該工食銀肆拾貳兩

於浙江布政司給領二年一次按國初南馬之設原係報事二百餘年未

之有改近被驛中混板走遞當事者不察准其均差第不思南馬工食不及驛中二分之一且領之浙中

守候經年又非如本省之按季給發也夫走遞已非祖制而滑較渾華更覺偏累愚以即舊規不能便復

獨不當與臨封一視乎 萬曆十八年增派協濟高

陵站銀伍拾伍兩貳錢伍分玖釐

均徑銀差

年例銀肆百柒拾捌兩玖錢陸釐富戶銀肆兩藥味

銀柒兩布政司庫子銀貳拾肆兩按察司柴薪壹名

銀壹拾壹兩肆錢馬夫貳名銀柒拾肆兩陸錢伍分

油蠟銀壹拾兩叁錢玖分貳釐神木兵備道柴薪壹

名銀壹拾貳兩馬夫壹名銀肆拾兩莊浪道柴薪銀

壹兩貳錢壹釐本府脩理公衙銀叁拾捌兩陸錢陸

鈔銀陸百陸拾兩陸錢柒分貳釐修理在省各衙門

夫役伍名銀叁拾陸兩清軍廳柴薪銀伍兩撫民廳

刑具銀壹兩伍錢河西儒學齋夫銀壹拾貳兩永昌

倉斗級銀壹拾捌兩軍器銀貳拾捌兩壹錢玖釐伍

毫鋼鐵銀壹拾肆兩叁錢陸分毛襖銀肆拾陸兩貳

錢布價銀壹拾貳兩肆錢柒分伍毫本縣柴薪玖名

銀壹百捌兩馬夫肆名銀壹百陸拾兩儒學齋夫銀  
柒拾貳兩膳夫銀貳拾兩舉人盤纏銀壹百貳拾貳  
兩柒錢歲貢盤纏銀壹拾捌兩春秋各祭銀玖拾叁  
兩芒神土牛銀壹兩鄉飲銀陸兩豐原驛鋪陳庫子  
貳名銀肆拾兩館夫銀柒拾貳兩上下兩渡船銀貳  
拾兩孤老銀貳拾貳兩總計銀貳千貳百柒拾叁兩  
壹錢陸分壹釐 萬曆肆年增派協濟富平車銀陸  
兩

力差

各察院并各分司府館門子柒名共准銀壹拾兩伍  
錢本府禁子壹名准銀肆兩撫民廳皂隸貳名共准  
銀陸兩文廟門子壹名准銀壹兩伍錢庫子壹名准  
銀肆兩本縣門子伍名共准銀貳兩伍錢皂隸貳拾  
肆名共准銀肆拾捌兩庫子貳名共准銀陸兩今革  
預備倉斗級貳名共准銀肆兩禁子伍名共准銀壹  
拾伍兩機兵貳拾捌名共准銀捌拾肆兩接遞皂隸  
伍拾名共准銀壹百兩鍾鼓夫伍名共准銀伍兩儒  
學門子叁名共准銀肆兩伍錢官倉斗級壹名准銀  
貳兩各河渡口水夫貳拾肆名共准銀貳百壹拾叁  
兩伍錢各鋪司兵肆拾叁名共准銀捌拾陸兩總計



銀陸百柒拾壹兩

里長馬原編伍拾陸匹萬曆十六年減爲伍拾匹十七年減爲肆拾匹十八年減爲貳拾匹今復增爲貳拾肆匹數雖視昔若減而價則酌定之民實陰受其惠矣

本縣雜用銀卽俗名月米每歲徵里甲丁銀陸百柒拾壹兩肆錢捌分肆釐

民壯原設貳百伍拾名後減爲貳百名每年壹名工食銀柒兩貳錢衣械銀壹兩捌錢共銀壹千捌百兩萬曆二十八年征倭扣捌拾名該銀柒百貳拾兩三

十年倭平議以一半抵稅一半解備兵荒實在止壹百貳拾名四十七年復扣拾名該銀玖拾兩卽年解邠州巡道訖至四十八年稅停銀還見今實在壹百伍拾名共銀壹千叁百伍拾兩以供守城巡捕  
渭上子曰余嘗馳驅燕趙梁宋間卽所視闕多簡僻協濟衝繁誠均平良法也渭當七路之衝歲徵供侍拾萬有餘至繁苦矣乃復協濟高陵站銀富平車價夫高陵雖稍衝不及渭強半若富平殷富且簡而僻亦何以協濟病衝繁邪倘有當事者留意財酌庶事平而惠均也

師仲曰民兵原額二百五十名爲境內保障計亦  
綦重矣承平日久視爲泛常五千之革已非立法  
初意已而倭事載興遂割八十以往事平還業疇  
日不可何又倡爲抵稅備荒之舉借使倭難未平  
則稅何所抵荒何所備殆將盡民兵而委之乎至  
邠州之解九屬可議巡道移駐邠州蓋爲邠乾一  
帶圖緝寧矣渭邑獨非宇下乎損此益彼法豈稱  
良嗟嗟民窮盜起虜警時聞百里之內白蓮蟻聚  
強賊公行致使單門窮巷鷄犬不寧當此多事之  
秋尤宜倍增原額以備不虞今割至百名之多一  
邑土地人民抑何賴焉爲公家懷杞憂者不可不  
深長思矣

### 風俗

按舊志人性勇悍尚朴實蓋關中周秦漢唐都會之  
地前輩猶有古風耻游惰奢靡非禮會不聚飲聽樂  
卽大貴品服一襲耳交接細布焉止矣富卽家累千  
金出入一布袍耳以市肆劇飲爲無賴頑嚚健訟爲  
大惡弟勇于受責苟曰爾弗直卽又剗羊置酒踞伏  
請過焉雖罹于法安受之無他巧術求免也議昏必  
議門戶叙行輩苟富貴非敵卽貧賤弗屑也長幼毫



不敢紊途遇長者趨而揖拱俟其過始行也居學長者立于門少者不敢過長者坐少者進退唯命朋友相交以信重廉退見齷齷奔趨者羞之過則面折不少貸然其中則蕩蕩無留滯也至尊卑貴賤衣服器用品式森然莫敢僭踰其歲時節序元日五更焚香燭主人率男女謁天地祭祖考次謁父母兄弟然後張宴男女以序舉酒獻尊者合族每歲醜金置酒輪會于一家尊卑以次謁肅飲懽洽而退五日束紙婦人袋盛五穀五更送通衢曰送窮元宵前後三夕綠門張燈門窗戶壁墳壠間俱設盞燈用熟麵湯雜果菜飲之曰元宵茶念一日擲麵餅屋上曰補天地清明前二日寒食祭舊墳先一日祭新墳端午食角粽男戴艾葉婦替艾虎小兒臂纏五彩索曰辟邪六月六日治麵曬衣藏水待用久不壞曰六月六水七夕女子雜陳瓜果於庭以器貯水漂綉鍼于上以驗巧拙曰乞巧中秋登樓張燕日翫月重九餽糕餅于嫁女曰迎重九士人携酒出遊曰登高孟冬朔陳湯餅焚紙衣于亡者曰送寒衣長至日士人相拜曰賀冬至冬五日煮五豆食小兒曰解痘毒八日以肉果和米煮粥食曰臘八粥除夕優人扮鍾馗遍詣人家鳴

羅擊鼓曰驅鬼各家設燕畢幼以次謁尊長歡飲夜  
分乃寢曰守歲

瑞泉子曰予于風俗獨拳拳懇懇致詳說者盖有見  
于治亂所關慨前後輩之不相及也前輩耻游惰矣  
今之輕薄不務本業者相聚遊戲悲歌成臯呼白而  
起則通姦椎剽容有之矣前輩惡衣食矣今或貧不  
能庇妻子之飢寒而必製紈綺一襲椎羊豕一會以  
示耀炫俗也前輩耻鬻訟矣今之訟者即人命雖死  
及數十年一售其詞群証犬牙遂成市虎即素未見  
面牢不可解致冤終莫雪矣前輩重議婚矣今競執

逐利不論門第行輩但赫赫位高金多者垂涎也前  
輩羞匪交矣今有投之權貨而翻覆雲雨者不恤也  
前輩崇禮讓矣今後輩於前輩非至親受業會必並  
坐遇諸途行行拱手而已至論服用名分僭踰無別  
異時宮室多卑陋今皆高大華麗矣異時衣服多中  
度今皆寬博大袖矣異時街衢多徒行今皆車馬僕  
從矣異時粧飾多朴素今皆珠翠錦綉矣異時常席  
不用樂今皆歌妓鳴箏矣異時士族不穿履今隸卒  
伶人履皆紵雲矣異時市肆不數處今沿街皆白旗  
青帘矣異時鄉人赴市不窺肆務門今滿市皆鄉人



狂飲呼盧矣淫侈瀆亂日甚一日前輩恭儉淳朴之俗頽然其日壞矣兼之饑饉相仍征歛無藝貪墨成風廉耻道喪是以日入于飢寒莫之知也獄訟繁興盜賊日滋端可識矣昔黃霸治潁川民遂化于敬讓甄濟居青巖而環山之人不敢畋漁夫霸賢守也民卽化之固矣濟一山人耳亦能感人者何余又慨夫移易之機誠在上而吾爲搢紳者獨可不敦素還醇爲里人先邪

師仲曰風俗之大者無逾冠婚喪祭冠禮士紳家間行之鄉人唯擇日加冠拜尊長了無儀節婚姻前輩論門弟序班行毫不容假末俗稍稍計財附炎識者鄙之伯王父言之具矣喪事七禮卽士紳亦不廢其它一遵文公家禮營葬多在十月農功畢士大夫修玄堂以磚石間作灰隔鄉人穿土爲穴貧者卽就寒食葬不卜日亦有數十年不葬者詢之則曰力不逮也窀所不逮在祭筵之豐麥動以百計倡優之承應動以數百計其戲臺華麗火樹輝煌百里內男嬾爭睹嗟羨方爲盡于大事至棺槨塋墓草草費不過數金而已此俗之不美者余自少側聞先君子譚嘉靖初年事以今視之若

皇虞矣彼其時俗嫩風淳民安物阜閭閻含哺鼓  
腹眇愁歎之聲靡變詐之巧伯王父尚致慨于不  
古若矣降而嘉靖末年逮萬曆初禊自余所暗記  
廟堂以暨寰宇聲容文物猶然 先朝之舊二十  
年來權采相仍兵革旁午遂致海內虛耗民生憔  
悴且也奉公之義寤微攫取之術轉熾今奴氛漸  
逼禍患方來人人思亂在在揭竿誰貽之戚而猶  
然燕雀處堂也即一邑內少凌長卑抗尊相傾相  
陷理不能喻法不能加甚有不敢深言者使伯王  
父當今之世其痛心恐不翅雒陽生矣

物產

按渭南所產穀之品曰稻有二種硬者炊飯名粳粘  
者釀酒名糯產花園及大嶺川者佳酒河川次之曰  
黍曰稷黍釀酒稷炊飯黍氣香而粘聚不散故祭稱  
薌合稷明粳可交神故祭稱明粳二者爲五穀長穀  
之粒有似之麻者俗名之麻梁有大小二種炊飯燥  
濕皆宜食之最益脾胃以精白而香故用之于祭稱  
薌其粟種類頗多其佳者名狼尾又名紫羅帶又有  
名金裹銀銀裹金者又有名疾穀者晚種早熟其穗  
堅硬如鐵故又名鐵軸曰秫粘可釀酒濃澁不如糯



然飲之却清利而不滯曰麥有三種小麥出渭河北者粒小食之易化河以南者粒差大而色不光鮮然一種名三月黃者先諸麥熟細賦絮曰河北弗如也大麥皮粗粒大煮食之佳謂之大麥仁蕎麥作麵不甚佳可備諸穀之不熟曰叔有數種農家所急者豌豆匾豆耳豌豆或粒煮或和煮米粥又可爲粉諸糯類之苗壯匾豆可雜炊米麥黑豆大小二種大者早種小者晚種同時熟煮食之涼其汁能殺諸藥毒又堪作豆豉醬黃菜豆性涼煮飯益氣除熱研汁飲殺諸毒亦可作粉畜之品曰羊曰猪曰鴨曰鵝曰雞然鵝鴨不可常雜家家畜之曰鯉曰鯽出渭水曰鹿曰兔曰麀曰獾產南山中曰鴉鴿曰鸚鵡曰野鴨曰雁曰雉疏之品曰芥曰白菜曰蘿蔔出盈田坊者佳曰葱曰韭曰蒜曰薤曰茄曰瓠曰菠菜皆易生豐美可用曰葫蘆曰蔓菁一名無菁其味甘美食之益人其結縈時作菜用香辣有味子又可油曰苜蓿嫩者爲菜老者諸畜食之肥壯曰薺可熟食亦可爲羹與苜蓿皆可禦荒曰芡菱曰芹曰莧曰萹苳曰同蒿曰西瓜曰冬瓜曰菜瓜曰黃瓜曰絲瓜曰甜瓜西瓜出黃家嶺者佳獨甜瓜傷脾胃尤不宜小兒果之品曰棗

曰柿曰桃曰杏曰梨曰石榴曰核桃曰柰曰李棗名  
馬牙柿重臺與小而圓者桃之利核者杏稱梅杏者  
梨名香水者石榴子軟而色淡者核桃瓢綿者柰大  
而不酸者李稱玉黃者皆佳然桃李杏核仁皆可入  
藥而杏核仁有毒其雙者能殺人曰蓮房曰茨曰菱  
角可供祭祀曰木瓜可作蜜煎藥之品曰黃精大嶺  
廟出曰天門冬曰地黃曰兔絲子曰車前子曰枸杞  
子其根之皮曰地骨皮曰槐角子以上七味隨地俱  
有曰甘菊花俗名野菊曰茺蔚子一名益母草又名  
野天麻方莖紫花者是浴婦人胎前產後諸疾神効  
曰升麻曰五味子曰山藥以上五味靈臺玄象石鼓  
大嶺廟諸山皆出而益母草園種者更佳曰軟柴胡  
石鼓山牛思嶺白崖寺坡皆出曰遠志龍尾灰埕諸  
坡出曰防風灰埕坡出者佳曰蒼木諸山皆有靈臺  
山者佳曰旱蓮花出渭河灘曰牛黃曰麝香曰蜂子  
曰桑螵蛸曰玄明粉爭硝煉成者曰香附子曰蟬蛻  
曰躑躅三物隨地皆生曰天麻曰吳茱萸大嶺廟出  
曰百合曰芍藥曰鳶根曰木通曰山茱萸曰蓮翹曰  
管仲曰郁李仁曰金銀花一名千金藤九味靈臺玄  
象石鼓大嶺廟諸山出曰牡丹皮曰萱草俱石鼓山



出曰苦參出黃狗谷者佳曰麻黃出羅家東坡曰瓜  
蔓一名括蔓曰山楂子俱出牛思嶺曰薄荷曰款冬  
花俱出確子村諸溝曰紫蘇園種者佳曰地榆出嚴  
坡曰馬兜鈴黃狗谷石鼓山分水嶺皆出曰玄胡索  
出倉堡嘴曰鹿茸曰蒲公英俗名金剛花其津能點  
惡瘡曰天茄子其葉能解諸瘡毒曰蟾酥端午自取  
合諸藥爲丸治惡瘡極効曰朴硝曰芒硝曰馬牙硝  
馬牙硝可煉玄明粉三硝謂比離鹵地皆生曰白及  
曰半夏諸山皆出曰蒼耳出比離曰牽牛子黑白二  
種園種者佳曰天南星出石鼓山曰馬鞭草諸河灘  
俱有曰商陸白厓寺坡及靈源坊諸溝皆出曰米殼  
一名薨粟殼園種者佳曰芫花黃紫二色俱有毒黃  
者遍地生入利藥用之紫者出石鼓山不可用誤能  
殺人服用之物植之品曰桑曰麻桑縣以北間有縣  
以南山林川谷皆宜桑曰綿花河之南不甚宜河北  
隨地皆種東鄉尤宜故其種尤多其子可爲油桑之  
根皮可入藥謂之桑白皮曰槐花子曰大小藍曰紅  
花皆可作色紅花之子又可爲油果則有櫻桃蒲萄  
有椹梓非專出花有牡丹有芍藥有紫荊有木槿有  
蓮有菊有薔薇有石竹有葵有月季諸花唯蓮與菊

宜人熟荆之香清烈而美葵又可爲菜植之皆宜渭上子曰渭南之民亦稱庶矣顧獨務本業無大賈即貿易不越疆又唯布粟無他珍異物以故閭閻鮮蓋藏供侍無遺力一遭旱沴即羸皆載道矧屢遭大侵乎其所租輸悉邊儲司牧者不得貸間雖量蠲旋復併徵即富者罄所穫以輸至苦矣竊恐再一不熟其逋亡可往歲比邪及今不處後將若何亦唯訪古常平法酌以時宜歲饑出粟易值歲稔以值易粟倘更發帑備賑又即贖緩充賦此其隨時導利惠流法外爲永賴計豈淺尠哉孰謂救荒無奇策也

師仲曰物產志及所在相若者何示人不外求焉且一物而兩地并生隨地皆生者第美惡分矣食飲藥餌關養生甚大又安可不詳說也此伯王父紀產意也



渭南縣志卷第五

渭南縣志卷第六

明中順大夫浙江紹興府知府邑南大吉撰朝議大夫山東布政司左叅

議姪軒續編奉議大夫右春坊右庶子兼翰林院侍讀姪孫師仲增訂

文林郎知渭南縣事西蜀徐吉參閱

官師志

師仲曰渭自漢以來郡縣異名官職殊號六朝前

莅其地者即姓氏莫可攷矣唯後周以迄金元寥

寥其人而事實又闕迨茲昭代亦多逸亡今據

舊志詢長老之類以時類分聊書厓略不唯便檢

閱亦以垂法戒云

渭南志 卷之六  
郡守

後周薛琰汾陰人起家渭南太守封虞城侯

達奚長儒字富仁代人少懷節操膽略過人性至孝

魏大統中起家奉車都尉文帝引為親信以質直恭

勤數有戰功進車騎大將軍武帝天和中除渭南郡

守進驃騎大將軍開府儀同三司從武帝平齊遷上

開府進爵成安郡公

縣令

隋岑之象南陽人父善方梁吏部尚書之象有操行

最知名以陰補渭南令官至尚書虞部員外郎

唐裴向字僚仁聞喜人以父遵慶尚書陰署同州判

官李懷光叛河中使將趙貴先築壘同州值向領州

務諸貴先壘開諭之貴先降同州不陷向力也遷渭

南令奏課第一擢戶部員外郎歷陝虢觀察使以吏

部尚書致仕向以學行持家內外親屬祿俸必均世

稱孝睦卒贈太子少保

杜璉開元末為補闕時李林甫為相蔽塞言路璉上

書言政事林甫怒黜為下邳令因以語動其餘曰明

主在上群臣將順不暇烏用多言諸君不見在仗馬

乎終日無聲而馱三品芻豆一鳴輒斥去後雖欲不



鳴得乎由是諫諍路絕矣

王源長咸陽人父沐御史中丞源長終渭南令

劉潔大曆二年令渭南會秋霖損稼潔稱縣境苗獨

不損代宗曰霖雨溥博豈渭南獨無更命御史朱毅

視之損三千餘頃代宗嘆曰縣令字民乃不仁如是

貶南浦尉

宋宗白字太素大名人建隆中擢進士甲第乾德初

試拔萃高等授著作佐郎開寶中以親老祈外改授

渭南令居官有聲太宗即位擢左拾遺尋拜中書舍

人充史館修撰改翰林學士端拱初加禮部侍郎知

貢舉終吏部尚書白尚氣節重交游學問宏博屬文

敏贍後進有文藝者必極意稱獎時彥多宗之又贍

族郵孤世稱雍睦卒贈左僕射諡文安

陸游字務觀山陰人尚書左丞佃孫年十二能詩文

以陰補登仕郎紹興初知渭南游才氣超逸尤長於

詩治有令名以薦除敕令所刪定官隆興初遷樞密

院編修孝宗以游力學有聞言論凱切賜進士出身

游以文字交人不拘禮法人議其類放因自號放翁

累遷寶章閣待制卒封渭南伯有集行世曰渭南文

集

金史華本縣人泰和中令階廣威將軍

元同鶚本縣人皇慶中尹兼管本縣諸軍與魯勸農  
事階承務郎

王顯本縣人至元中尹兼管本縣諸軍與魯勸農事  
續負本縣人至元末尹階從仕郎  
袁允義本縣人至正初尹兼管本縣諸軍與魯勸農  
事階承事郎

明理至正初渭南達魯花赤兼管本縣諸軍與魯勸  
農事階將仕郎

劉玉璞至正中朝列大夫賜緋銀魚袋行渭南令

典禮彌實至正中渭南達魯花赤兼管本縣諸軍與  
魯勸農事階徵仕郎

李起岩本縣人至正中尹兼管本縣諸軍與魯勸農  
事階從仕郎

主簿

唐李商隱萬年人年二十舉明經再調下邳主簿性  
剛心誠御下不苛神龍中以最擢左臺監察御史當  
是時崔湜鄭愔典銓不平商隱顯劾之湜等皆斥去  
奉詔推雪冤枉窮治姦賊進兵部侍郎左遷桂州都  
督再遷廣州經略使及還人哀金以贈商隱曰吾性



不可易非畏人知還為御史大夫進戶部尚書封高  
邑伯卒諡曰貞商隱三人御史府輒繩惡吏不以殘  
擊失名以循吏終始

韋慤萬年人父皎許州司馬慤終渭南主簿

宋楊仁儼鄜人父知禮後唐均州刺史仁儼入蜀初  
仕王氏為丹稜令蜀平補渭南主簿有政聲遷永和

令

陳堯佐字希元閬中人父省華左諫議大夫堯佐進  
士及第歷中牟尉以試秘書省校書郎知朝邑會兄  
堯叟使陝西發中人方保吉罪保吉怨之誣堯佐以  
事徙下邳主簿未幾遷秘書郎知真源堯佐歷尉簿  
令課俱稱最累官太子太師卒贈司空謚文惠

金玉仲成正隆初渭南主簿兼尉階從仕郎

元尹周佐本縣人延祐間主簿

聶乞伯本縣人至元末主簿兼尉

會州本縣人至正初主簿階進義副尉

王綱本縣人至正中主簿階進義副尉

尉

唐杜易簡襄陽人九歲能屬文長博學為今文本所  
器擢進士補渭南尉歷殿中侍御史嘗道遇吏部尚

書李敬玄不避敬玄因奏易簡險躁高宗怒貶開州  
司馬

劉允濟鞏縣人少孤事母孝工文辭與王勃齊名舉  
進士補下邳尉遷著作佐郎再遷左史兼直弘文館  
爲來俊臣構當死赦免貶大庾尉復爲著作佐郎修  
國史常曰史官善惡必書使驕主賊臣懼權顧輕哉  
而班生受金陳壽求米僕乃視如浮雲耳遷鳳閣舍  
人坐二張昵狎除青州長使有清白稱召爲修文館  
學士卒

劉延祐彭城人擢進士補渭南尉廉黜慈惠治稱第  
一李勣戒之曰子少有美名宜稍自抑無爲出入上  
延祐欽納去之日民皆泣送後徐敬業敗詔延祐持  
節到軍全宥甚衆拜箕州刺史轉安南都護以徵租  
苛急衆謀亂延祐遇害

裴冕字章甫河東人以蔭調渭南尉冕少學術然明  
銳果於事京畿採訪使王鉷表署判官歷殿中侍御  
史及鉷得罪有詔廷辨冕抗言其誣鉷死李林甫用  
事僚屬懼皆引去獨冕爲歛葬由是知名既而以御  
史中丞兼左庶子副肅宗討賊兩京平進拜尚書右  
僕射封冀國公卒贈太尉配享肅宗廟庭冕以忠勤



自將然素貴性嗜豪侈世多訾之

李絳字深之贊皇人擢進士宏辭補渭南尉歷監察御史忠鯁直亮知無不言無所憚避官翰林學士知制誥遷中書侍郎同中書門下事進尚書左僕射絳以直道進退望冠一時第賢不肖太外每為讒中既遷復召者屢矣累封趙郡公出禦蜀寇被害贈司徒圖形凌煙閣有司空集行世

蔡希寂曲阿人開元初與兄監察御史希周包融等皆有名補渭南尉有題渭南王公別業詩  
郎士元字君胄中山人寶應初以進士詔試中書補渭南尉有政聲入為右拾遺復出為昂州刺史時與錢起以詩齊名士林語曰前有沈宋後有錢郎時公卿出牧奉使二人無詩祖行人以為耻有集一卷

陸贄字敬輿蘇州人十八第進士中博學宏辭調鄭尉罷歸以書判拔萃補渭南尉有異政嘗導姜泉水入城以利民贄詩曰繞街流渺渺夾砌樹陰陰會德宗立遣黜陟使庾何等行天下贄說使者請以五術省風俗八計聽吏治三科登俊又四賦經財實六德保罷瘵五要簡官事詳本傳中時皆題其言遷監察御史德宗在東宮已聞其名至是召為翰林學士累

官中書侍郎同中書門下平章事卒贈兵部尚書諡  
曰宣

劉從一觀城人擢進士宏詞第調渭南尉雅為常袞  
盧杞所厚薦授監察御史晉王討李希烈表為元帥  
判官德宗居奉天超拜刑部侍郎同中書門下平章  
事從幸梁州改中書侍郎帝遇之善然無它材能容  
身遠罪而已貞元初以疾自乞罷為戶部尚書卒贈  
太子太傅

崔邠字處仁武城人第進士擢賢良方正授渭南尉  
以課最遷補闕上疏論裴延齡姦效以鯁亮知名由中  
書舍人再遷吏部侍郎性溫裕沈審行已簡儉憲宗  
器之裴均薦邠材可宰相終太常卿卒贈吏部尚書  
諡文簡

崔鄆邠弟進士及第補渭南尉累官檢校尚書右僕  
射同平章事節度淮南卒于軍崔氏四世同爨兄弟  
六人至二品居光德里構便齋宣宗聞而歎曰鄆一  
門孝友可為士族法因題曰德星堂後京兆民即其  
里為德星社云

柳公綽字子寬華原人幼孝友嚴重起居有禮屬文  
典正不讀非聖書舉賢良方正直言極諫補校書郎



授渭南尉歲饑每飲不過一器累遷開州刺史徙鄂岳觀察使時方討吳元濟詔發鄂岳卒五千隸安州刺史公綽曰朝廷謂吾儒生不知兵邪請自行許之引兵渡江軍出公綽數省其家疾病生死厚給之軍中感服曰中丞爲我敢不死戰故鄂軍每戰輒克遷檢校戶部尚書山南東道節度使行部至鄧更有納賄舞又二人同繫獄公綽判曰賊吏犯法法在姦吏壞法法亡誅舞文者遷檢校左僕射復爲刑部尚書改授兵部尚書卒贈太子太保諡曰元節又補尚書衛次公字從周河東人舉進士高第調渭南尉累遷殿中侍御史貞元中擢翰林學士知貢舉斥華取實不爲權侵出爲虢州觀察使蠲橫租歲三百萬人爲兵部侍郎進尚書左丞卒贈太子少傅諡曰敬其節槩終始稱完潔焉

鄭裔綽榮陽人父覃司空裔綽峭直有父風以門陰進擢渭南尉入直弘文館累遷諫議大夫終太子少保

韋純字貫之登進士爲校書郎擢贛良方正異等補渭南尉居貧斂豆糜自給然學博又沈厚寡言與人交不爲僞辭嚴以律身正以裁物京兆尹李實奇其

器欲進於上或告曰子詣實賀者至矣純不往官亦不遷永貞初始爲監察御史累遷禮部侍郎抑浮先實奔競爲息改尚書爲張宿所構遷湖南觀察使時程异爲鹽鐵副使諷厚歛以獻貫之不聽左遷太子詹事穆宗立拜河南尹以工部尚書召未行卒贈尚書右僕射謚文貞

賈餗字子美河南人舉進士高第又策賢良方正異等授渭南尉入爲集賢較理擢考功員外郎知制誥餗美文辭而敏有斷然褊急氣陵行葦士大夫惡之遷官禮部侍郎凡三典貢舉所得多名士再遷京兆尹兼御史大夫進中書侍郎同中書門下平章事劉蕡以賢良方正對策指中人爲禍亂本而餗與馮宿龐嚴爲考官畏避不敢聞竟罹其禍餗本中立不肯犯顏排姦以及誅與王涯實不知謀人寃之

王建字仲初潁州人大曆中舉進士爲渭南尉與宦者王守澄同宗因過飲相譏戲守澄深憾曰弟所作宮詞禁掖深遠何以知之將奏劾建因作詩解之曰先朝行坐鎮相隨今上春宮見長時脫下御衣偏得着進來龍馬每教騎嘗承密旨還家少獨奏邊情出殿遲不是當家頰向說九重爭遣外人知事遂寢建



與韓愈張籍同時而尤相友善工爲樂府歌行有詩

十卷

趙嘏字承祐山陽人會昌中舉進士仕至渭南尉杜紫微讀其早秋詩云殘星幾點鴈橫塞長笛一聲人倚樓因謂之趙倚樓有渭南集三卷

鄭畋字台文滎陽人年少舉進士以書判拔萃擢渭南尉遷虞部員外郎翰林學士知制誥累遷門下侍郎封滎陽郡侯乾符中黃巢勢盛以畋爲鳳翔隴節度使境中盜不敢發會巢陷東都天子出梁洋畋上書止曰將相誤國臣請以死懲逐蒐士卒繕器械濬

城隍俄而賊使至畋斬于軍餘黨皆捕誅之遷檢較尚書右僕射行營都統中和初賊將王璠率衆攻畋與戰殺賊二萬級璠遁去禽璠子斬之諸鎮兵在寰內數萬無所歸畋招來慰結傳檄天下時王命不出四方謂王室微弱不能復興及畋檄至咸各治兵立功巢懼不敢西謀再進司空兼門下侍郎累遷檢較司徒太子太保卒贈太尉又贈太傅謚文昭配饗僖宗廟庭

趙公儀奉天人父植嶺南節度使檢較工部尚書公儀終渭南尉

畢紹顏偃師人父誠兵部尚書兼平章相懿宗紹顏

終渭南尉

常魯京兆人禮部員外郎終渭南尉

女奚烈本縣人承安中尉階明威將軍

完顏瑋本縣人泰和中尉階中武較尉

元趙璧本縣人至治初尉

劉敏本縣人至正中尉

### 渭南縣志卷第六

### 渭南縣志卷第七

明中順大夫浙江紹興府知府邑南大吉撰朝議大夫山東布政司左叅

議姪軒續編奉議大夫右春坊右庶子兼翰林院侍讀姪孫師仲增訂

文林郎知渭南縣事西蜀徐吉參閱

### 官師志

師仲曰 明興官師次吳忠節于首者蓋嘗側聞

先大夫言公當國初草昧以承來攝邑事振廢圖

新移風宣化已而閭閻案堵樂利興歌且為國殞

身忠貫日月官聯八座名在千秋有非他丞所敢

望者特告來將共景往哲



明吳雲字友雲宜興人少有文行爲元國子生洪武元年太祖命魏國公徐達北定元都魏國遣雲赴京除弘文館較書郎明年改渭南丞當是時中原初定事皆草創官畷俊良雲至攝縣事躬行儉約餼簞蓋爲民先私不偏公法不掩仁使不違時凡令之布民有慝志於是振廢滯內流逋鋤強暴恤孤箠均賦徭宥罪戾拓治城郭創新廟署而又授經育士痛革非禮之習二年頽風不變以卓異擢刑部郎中拜刑部尚書亡何元遺孽滇梁王據險弗庭太祖命翰林待制王禕往諭遇害復命雲往雲曰彼恃險遠故

阻聲教臣奉陛下威德告以大義諭以禍福彼必附順若冥頑不從興師未晚太祖然之遂遣雲行會梁王使臣鐵知院董使漠北爲大軍所獲械送京師太祖仍欲恩懷令雲偕行至滇鐵知院董懼梁王誅其謀說雲胡服詐元使其紹梁王雲不從梁王亦遣人劫降雲不屈遂被害滇平蔭其子鞞國子生先是王禕贈翰林學士諡忠文建祠滇中久之始贈雲刑部尚書諡忠節與禕同祀顏其額曰二忠

知縣

周璘博興人宣德元年以監生至九年遷華州知州

政簡刑清璘創建布按二行署又繼吳永重修諸廳  
序館署亦有幹能吏

國壁武邑人正統二年以監生至爲政仁恕有方將  
考以憂歸民泣送之越三年徐尹去渭民數百輩赴  
闕奏保復任又五年以政聲召取沒世有餘思焉  
徐禎正統五年至

程章保定人景泰五年以監生至材幹剛果吏民悅  
服九年以成績遷平定州同知

孫玉天順六年至

宋禮字惟寅邠縣人成化二年以舉人至勤廉仁簡  
甫三載百廢聿興學政兼舉聞譽燁然遽以疾卒使  
不死惠澤曷但是邪故自吳永後凡言爲政者無踰  
宋尹也百姓思之有遺愛碑

周寧睢州人成化六年以舉人至剛果明辨敢任事  
然不驟發吏民初亦易之已而摘發如見事無巨細  
迎解無留尤善治奸宄當是時民向豪俠重武悍周  
下車憚服不敢肆又能振廢興利官署祠廟皆爲拓  
新民不知勞又增修預備厥創修四鄉社倉各積粟  
輸數萬石民稱永賴且廣學舍豐廩廩俾得專業諸  
生感發文教聿興然有記術所治牧愛濟衆諸園果



疏許民以時入不禁或非時竊一果即詰守者曰某樹胡少一果故民皆驚駭畏如神明居六年遷河州去之日百姓遮道攀留車不得行尋改鄜州歷陞山西按察司副使有去思碑

張俊汜水人成化十三年以乾州判至廉而愛人敷政優優然洒躁少容故人指其性爲烈火心爲慈烏焉

宮顯樂至人成化十七年以舉人至愛民不爲皎皎行歲大饑善賑濟又善驅劇盜捕磔之百姓賴焉居九年以憂去

任爵代州人弘治三年以舉人至有幹濟才人亦畏服第強子干政不能制居四年竟以子罷去  
張清山東人弘治八年以監生至居官無赫赫政然尚廉耻故去亦無惡聲

黃用羅江人弘治九年以舉人至體貌侏儒好虛誇張大中實無有且施布猥瑣人多易之又爲桀黠者弄侮令不能行居三年罷去

范鞏衛輝人弘治十二年以舉人至多病不任事然性本廉靜去亦無後議

嚴用四川人弘治十五年以舉人至明爽平易愛民

如子尚禮義聽訟能動人以情居七月事治民安遽以憂去人思慕之

張維隆慶州人弘治十六年以監生至稚魯不能任事人稱曰渴睡張未幾罷去

姜彬遼東人弘治十七年以監生至不酷不貪然性褊急易怒刑罰多不中故民不稱焉

楊同字一仁新鄭人弘治十八年以舉人至外寬裕內剛正喜怒不形居九年潔已惠民尊賢愛士崇禮布教平獄省刑終始不易材若不逮周睢州而立心敷政違有樂只愷悌風其事上雅不隨俗周容故上官有不悅者竟無隙可伺公亦漠然不知手心乃輒以疾讒之比九年入覲部尚書見同偉貌顧謂司郡

官曰魁傑如此何以言疾司郡官愕卒無對同應曰同實疾郡司弗敢欺也部尚書遲疑久之同辭益懇始聽其致仕其志向豈遠近者能窺邪當在任時百姓生養休息德澤中不知爲恩比去日益遠而人之追思公者日益深矣今與周睢州并祀名宦

劉司直字守中汝陽人初以進士知婺源正德九年坐不及調至性多疑忌喜怒無常任用老書李羔輩羔輩乃誘司直子及寵奴交相倚重鬻賦內賄而司



直不知也當是時有書手文相者拂司直意榜掠至死於是怨司直者乃籍羔董不法事並付相妻合詞訟之御史臺羔董遠遁捕弗能得直竟以事客死長安寓中

王鑑字德昭霸州人正德十二年以舉人至忼爽機辯饒精力有幹才下車初振刷荒廢藻飾彫落百務煥然一新聞譽日興又且樹德立威鋤奸宄獎良善禮措紳瞻生徒令行禁止吏畏民服一時稱能吏焉顧獨喜計數人或以弗信短之坐是竟左遷環縣去上之難說也如是故自周尹後論才者亦莫如鑑

吳東周字宗孔渾源人正德十六年以舉人至至即聞憂居月餘料布千疋始去百姓號曰布知縣

姚憲太原人嘉靖元年以監生至質魯無材智百姓侮易之有罪者聞責即起而走憲患之豎欄域民而起走者猶然也憲竟莫可奈何居二年調同官去袁勳章丘人嘉靖四年以舉人至性剛猛敢爲人畏之莫敢犯然貪嗜無忌合境富室畏其猛厲餽遺月至數千金勳內之不疑已而直指者露其事猶以任淺起送吏部去

梁沂字企南臨潁人嘉靖五年以舉人至明睿英發

有俊逸才政向平易令事嚴整邑當干道冠蓋填溢  
梁應之裕如且其中昂豁好賢暇即置酒高會浩歌  
長吟若不知有刀筆簿書者故吏畏民懷頌聲游起  
然性剛直是非賢不肖太分於是貴介柄鑿者豪俠  
不法者交倚與讒才民起而訟焉御史故知梁賢爲  
戍訟者於窮隱當是時華州守以人命得賂行梁使  
成獄梁知其寃辭又有他御史道經渭於梁有厚責  
梁弗顧於是守與他御史交以妻斐中御史始大疑  
思去梁矣梁既罷御史復悔之而梁已浩然東歸也  
於梁固無損而司激揚者顧可偏聽使賢不肖倒置

邪

高棟魚臺人嘉靖十一年以舉人至性躁少威儀善  
譎浪嗜酒晨起升座即昏昏醉夢矣顧不樂與士大  
夫交每至鄉里豪猾無賴者邀之即與劇飲歡狎人  
是以易而侮之居三年罷去

靳廷寶歷城人嘉靖十四年以舉人至爲人淳篤有  
禮臨政簡默不煩有長者風顧短於才睹諸墜廢心  
欲振刷而力不能狡獪者復欺蔽之故所更作反日  
益荒頽也當道以爲無能屢桎抑之遂不告而翻然  
長往矣



劉鎮息縣人嘉靖十七年以舉人至爲人彊直有性氣且褊而伉簡而近傲得罪當道左遷泗州判官辛萬鈞廣安人嘉靖二十年以舉人至縮朒無爲頗以賄聞監司欲懲之萬鈞懼惟於法遂告致仕去張一鵬雲南人嘉靖二十二年以舉人至明達疏爽綽有賢聲第重聽故上官不喜尋陞饒州府通判張汝學雲南人嘉靖二十四年以舉人至淳篤平易百姓宜之然少英發故無赫赫譽竟被論改教去甄偉順天人嘉靖二十七年以舉人至才足幹理顧唯取辦文具且善舞智任刑以恣漁獵百姓畏怨之陞隴州知州會大察以貪黜

趙大本魏縣人嘉靖二十九年以舉人至椎魯無幹才又嗜酒百姓玩之如木偶然無何被論改教去張廷鳳魏縣人嘉靖三十一年以舉人至性如烈火臨事周張每用刑輒呵曰流水打民遂稱爲張流水居二年以不及調五臺去

謝培齡龍驤右衛人嘉靖三十四年以舉人至居數月會地大震卒於官

李希雒字宗程太原人倜儻有大略嘉靖三十三年以進士令昌黎明年乙卯關中地大震傾廬夷城人

民傷者獨渭尤烈遂移布維治渭至則弔僵仆恤孤  
瑩省刑罰蠲逋負已而拓築城垣葺新廟署經始有  
方民不知勞又勤恤田賦之重按故牘上諸司力復  
漢中暫借輕折鉅萬事詳田賦志中夫諸廢漸飭暇  
且群雋髦躬教之即凶歲彬彬向方也希維憫此予  
遺日坐席舍廣集衆思折以獨斷靡有慮未周事未  
善者渭人士咸以再生德之居年餘擢吏科給事中  
渭建祠勒碑祀之又二年以病謁歸卒聞者罔弗慟  
悼云渭上子曰渭當大震時光景晦塞與草昧同李  
侯之拯濟詎與開創異邪其視處常剔蠹振廢者殆  
有甚美頌者曰前有吳丞後有李令功既無殊祀宜  
與併信哉

王宮用字近臣成安人嘉靖三十六年以進士至寬  
以裕民儉以飭已且邑當大創後務在安靜以培養  
元氣居三年境內宴然陞戶部主事歷官太僕卿迄  
今人猶思之

趙雲程字汝登大興人嘉靖三十八年以進士至篤  
實坦夷乏治事才且不諳律例科罰太過居三年以  
不及改教去歷紹興府同知

劉翹字惟翰內江人嘉靖四十一年以進士至賦性



英敏莅政詳明且聽斷稱神即積猾枹牘交巡莫敢  
溷且邑當地圾後諸創建有李令未逮者翽一一圖  
之稱大備焉民既樂趨功亦永賴居三年徵為御史  
歷浙江按察司副使有生祠碑

崔廷試字文卿陳留人嘉靖四十四年以進士至政  
尚苛急甚撫字聽訟時立威示異令人莫敢仰視即  
有情者廩廩不得盡其辭居三年徵為御史歷大理  
少卿

梁許字君可孟津人隆慶二年以進士至明達兀爽  
動以廉平自將聽訟不苛待士有禮暇且萃諸生之  
俊者迪以理學足稱良令第丈均地糧關防少踈遂  
致吏書私竊為蠹遺害迄今事詳田賦志中居三年  
徵為御史歷陝西苑馬寺少卿

帥祥字履卿安居人隆慶五年以進士至文雅英慧  
矚然不滓臨民有如保赤子意以故理訟無冤徵輸  
不急境內水旱為災畢力請蠲民獲實惠且好賢育  
士眴眴若冬日而承委剖分又鑿鑿悉當情實上官  
咸倚重焉會督府與權茶御史爭奏茶馬事宜不協  
直指奉 命檄祥往勘國體馬政永有利賴比入覲  
俸餘僅百金一時稱廉者莫過焉居三年徵為御史

歷山東布政司叅政

褚順字子安祥符人萬曆二年以進士至容顏端嚴頗有客氣不可犯外若悶悶內實精明且諳律例善文詞一切爰書無弗當上官意者居三年以憂歸禮竟補南宮徵爲御史

和震字起甫祥符人萬曆五年以進士至明爽無機械有言必吐爲政務在釐奸剔蠹折獄不厭周詳得情後已卽善舞文者靡不咋舌退公庭如止水時有張直指憲翔者亦以釐奸剔蠹爲務按部所至咸慄慄畏如神明獨渭得從寬政以震振刷有方也居三年

以憂歸禮竟補臨汾徵爲給事中歷山西布政司

叅議

柳明臨清人萬曆八年以舉人至坦夷不苛且輕財好義弟治事疎縱左右得售其奸居年餘坐不及送部別用

張棟字士隆安肅人萬曆九年以進士至亢爽磊落

饒治事才聽訟人多憚服且憫窮恤寡表義旌賢慷慨以赴第中多猜忌好上人不能共偕大道士論少之居六年陞南戶部主事歷陝西布政司叅政監軍播州事平棟封播臧待奏俄爲持兵者闌入捆載以



去遂憤辭卒贈太僕寺少卿  
崔邦亮字德嚴東明人萬曆十五年以進士至謫達  
明敏見事風生人莫敢欺且中如朗鑑秋月纖翳不  
留至禮賢好士起蔽維風如恐弗及居六年徵爲御  
史歷順天府丞

郭維禎字興太巫山人萬曆二十年以進士至居六  
年陞戶部主事歷陝西按察司副使  
徐斗牛字光虛許州人萬曆二十六年以進士至賦  
性渾朴治行端方民不擾而事理居常以惠愛爲孜  
孜時上官有修怨于斗牛者多方物色竟不能拂公

論而甘心焉坐是爵爵不自得益以稅寺魚肉境內  
斗牛以身捍之更被窘辱遂含憤終迄今言之猶爲  
髮指歿至不能備含歛可謂清且苦矣兩河人言斗  
牛生平以德行見重鄉評若然出處信一轍云

王九叙字賡和肅寧人萬曆三十年以進士至居六  
年徵爲御史陞陝西布政司參政今在告

李枝秀字千雲肥鄉人萬曆三十六年以進士出汧  
陽優調至居二年陞南刑部主事見任鳳陽知府

楊所修字修白商城人萬曆三十八年以進士至居

六年徵爲給事中

楊新期字應昌陽城人萬曆四十五年以進士至居

二年徵爲御史嘗屬余爲邑志未就

徐吉字于靜內江人萬曆四十七年以進士由蒲城

優調至卽今屬余爲志以成楊侯之美者

師仲曰丞簿史暨文學當伯王父纂志時淨自洪  
永已多逸亡寥寥八十載其湮滅猶昔也蓋官旣  
不重媿無可傳間有廉潔幹濟者又未必獲上以  
見志緣是灰心染指比比而是又安望佐上理敦  
士習哉今據舊志合睹聞略述梗槩以備勸懲若  
夫綜覈振厲余于在上者有厚望焉

縣丞

洪武初吳雲治行詳前傳 宣德間睢州李斌明恕

有遺思 成化間登封任楨年老而清襄垣王馴有

執持饒幹才 正德間趙城張儒仁厚廉謹催科不

加鞭朴人弗忍欺 嘉靖間安州張時輔介而愛人

靜正罔躁德平李揚外老蒼而內險躁空空然妄以

問學自負竟以敖誕得罪上官懼而私馳去任丘郭

大敘明信有才乃以催糧逼死豪民罷吳橋王孚催

科不擾輿國朱經狡而貪長治郝守道酗酒耽賄被

告罷 隆慶間崇寧董道南才守可觀乃好爲鋪張



獲罪堂官罷曹州李應禎狙詐貪婪大言無耻以咸陽權稅事發逃 萬曆間平順宋應麟萬泉岳桂江都張鵬程射洪羅以禮湯陰岳鍾靈登州樊而超吉州張書紳會稽沈思讓今任秀水沈朝聘

主簿

成化間邯鄲縣鄒司剛闖茸 嘉靖間萬泉楊千會狡洧川袁弘彞謙厚而廉董修廟學不避寒暑士有婚喪不能舉者捐俸助之蓋簿之表表者 萬曆間即墨黃作哲清勤自矢耻于媚上告致仕去迄今有遺思和順劉朝聘太谷史略屯留程表安福彭壽禧山陰周允思壽州權之臣伊陽陳王讓黃岡謝筵今任通州王偉

典史

成化間雙流徐存敬勤而才歷任十年餘去之日百姓至赴部保留官卑任久得民如此賢哉 嘉靖間任丘劉鍾頑鈍而貪 隆慶間巴縣黃尚寶平易有守順天蔡元肇貪狼無忌竟以賊濫逐 萬曆間蒲州朱永輔以不謹罷安州呂進善塩亭任文富廉潔有幹才被中傷為直指逐去迄今莫不惜文富歎直指不明傷廉吏之不可為云河津任永興沅陵盛際

時鄆陵李四箴江夏張文煥福清龔洙今任沔陽余  
惟龍

教諭

天順間壽陽王敷舉人莊重獨紮訓誨嚴明 成化  
尚富順陳嘉猷舉人善文詞能詩勤于教士潼川白  
永舉人有學行誨人不倦 正德間南陽王尚齡貢  
士性躁且貪竟以贓濫逐去劉詔江津人舉人日嘉  
靖間巴縣陳詔舉人履任未幾以濫收生員事註誤  
去新寧劉漢卿貢士平易老成崇慶曹衡舉人性躁  
嗜酒無威儀保寧王秉彜舉人庸而貪 隆慶間雲

夢艾善舉人勤于造士解州李邦道舉人忠直有長  
者風 萬曆間漢中蔣彩鳳翔靳俊俱貢士貴陽楊  
秉鐸舉人以文行陞國子監學錄潼川蕭陞貢士博  
雅饒文詞長于造士巴縣母習吉貴州黃一桂俱舉  
人俱循循無忝師率綿州朱紳貢士扶風蘭桂舉人  
金縣吳伯仲西華王夢龍平涼謝九恭隴州張悟河  
州衛王允接以上俱貢士今任孝義史左舉人

訓導

成化間良鄉謝嵩舉人勤教有遺思 弘治間眉州  
李岳貢士雅飭愛士不屑屑言利 正德間蓬溪陳



捧貢士嗜利無厭 嘉靖間鹿邑閻龍嘉定許昇俱

貢士俱淳篤君子葉縣田京忻州張遜金堂傅祿俱

貢士俱硜硜奉職者 萬曆間泰安王庚郟縣劉源

安邑張邦彥鳳翔張寧遠會涇無耻徽州向陽温江

何思誠合水李應選略陽蔚可喬固原馬驂直諫不

苟綬德薛承恩會寧張純老而無爲華亭辛惟正西

寧衛鄒學御安陸鄭和坤亢爽饒幹才荏浪衛宗有

才塩亭周錫爵岷州衛呂應益今任紮陽單學賜

泰昌間涇州李之約以上俱貢士

渭上子曰余攷古今名宦祀於渭南者僅得七人焉

唐李公絳陸公贄王公建宋陸公游明周公璘周公

寧楊公同治行功德均之永庇渭民者祀以崇報公

議昭人心愜千百世可以觀矣乃若李公希雒當地

震大變時保我牙遺勩同拯溺功崇再造師公祥清

操惠政足與秋霜冬日爭輝二公之遺愛去思勒在

渭人者久且切矣顧猶未列祀典公議謂何余輒爲

論者俟司風化者采焉

師仲曰先大夫謂李公希雒師公祥宜並列祀典

允協輿情乃若和公震徐公斗牛者守澈寒潭心

同皎日和之釐奸剔蠹部內肅清人人飲惠徐之

渭南志 卷一  
不為魚肉赤子身為捍蔽抑鬱而亡揆之祀典均  
為券合峴山墮淚棠蔭興思四公先後一軌矣今  
猶然關策未加何以厲忠蓋慰幽魂哉載為闡發  
以質公評

渭南縣志卷第七